



GETHSEMANI RÂWL

(Monthly Prayer Bulletin of Hmar Christian Fellowship Delhi)

Volume No. II | Issue No. 3 | Thlaṭau (March), 2024

'Iengkimah ṭawngṭai le hniin lawmthu hrilsa peiin in dithai chu Pathien kuomah inhrietirin um lem raw se' (Filipi 4:6)

Khawvel po poah fe a, thilsiemhai po po kuomah Chanchinṭha hril hih ringtuhai thaw ding a nih (Marka 16:15). Hmun dang dang ah Chanchinṭha hril dingin ei inzin/invâk suok thei naw el thei. Amiruokchu, Chanchinṭha hrilna ah hin hmangruo ṭangkaitak ei ni thei seng. Mitinin ei thaw thei laia pawimaw êm êm pakhat chu 'Ṭawngṭaina' hi a nih. A hmun (mission field)-a rawngbâwltu ei misawnari le pastorhai tadinga ṭahnem ngai taka ṭawngṭai ding ei nih. Canadian thuhrltu le ziektu AB Simpson chun, "Ṭawngṭaina hih misawnari sin sukhṛâtna dinga a khâwlpui tak a nih" ti'n a lo hril. South African pastor le ziektu Andrew Murray chun "Kristien-kohranhai ṭawngṭaina nun a ṭhwoikhâwmtu chun, khawvêl a Chanchinṭha puongdar sin le kristien sakhuona indar zâu peina ding le inzawmin, a thaw hlâwk tak zet a nih" ti'n a lo hril baw. Nang le kei a ṭawngṭaina fethlengin thlarau bohmag tamtak sandamna huong sângah ṭhwoilûtin an um pha thei a nih.

Lawmthu

•Ṭawngṭai, thilpêk le thaa rawngbawlna hun ṭha pêkin ei um bâkah Lalpa'n ei rawngbâwlna malsâwmin, ringthar a mi pêk sap pei leiin

Damnawhai ta din

•Nk. Lalmalsâwm, tha tienga harsatna nei, Safdarjung Hospital-a hun sâwt tak inenkawl a um.
•Pi Siemtling Penatu, Nk. Elish Vanrammawi, Pu L. Thagen, Pi Lallawmsâng, Pi Rebecca Buhril le Pi Jenny hai cancer anthawk an damfel peina din

Damnawhai ta din

•Pu Thangsâng Varte, pângngaia a lâwn theina ding le Pu Lalsiemlien Khawbung khawm a dam peina din
•Pu Lalremsung Infimate, chuop tieng harsatna nei; Rev. Saithanglur Joute, thuok tieng harsatna nei; Pi Dardingpui Pakhuongte, a pum changtieng pang thunun thei lo (paralysed); Pu Doa, zunthlum le natna dang leia Delhi-a doctor pana inenkawl; Pi Ngainuom, phing tieng harsatna nei le Pi Rody Khawlum, liver transplant hmabâk zinga um.

01.03.2024 (Zirtâwpni)

•Tuolsung (local): I. Ei naupang inchûklai exam. nei mêk hai po poin ṭhataka exam. an zo fel seng theina ding le kum 2024-25 a dinga admission thaw dinghai po poin an dîtna sikul ngêia admission an hmu seng theina din II. Tuta thla sâng competitive exam. pe dinghai po po an hlawtling seng theina din III. Private le sawrkâr sinthawhai po poin hrisêlna ṭha tak leh tuta thla sâng sin an thaw seng theina din.

02.03.2024 (Inrinni)

•Wawisûn a HCFD-DoM&YA-in "Hlânbiékna Hring" ti thupua One Day Crusade an hmang ding le inzawmin: I. Taksa le thlarau a hlâwk taka an hmang theina din II. Speakers (Pastor Lalsiesang Zote, Pastor Lalditsak Inbuon le Pastor Steven L. Infimate haiin an hun/chanpuol seng hlawtling taka an hlao/hmang theina din.
•DoM&YA rawngbâwlna/hmalâkna hai nasa lema sukhṛâta a hung um peina din.

03.03.2024 (Pathienni)

•Ṭhalai Sunday Prawkram:Ṭhwoitu: Pu Nicholas Inbuon, Ṭantu: Nk. Lalsanhim, Thuhrltu: Pu Immanuel Khawbung, Pastoral Prayer: Pastor Lalditsak Inbuon
•Indian Evangelical Mission (IEM) rawngbawlna le inzawma ṭawngṭaina ding: Rev. Luke Vinod Titus, Secretary for Church Ministries, North India, chun wawisûn hin Uttarakhand-a mission hmun pathum hai ah baptisma rawngbawlna a nei ding. Chun tarik 5-7 March, 2024 hun sâng khin Jamunwala le Vikas Nagar, Uttarakhand, ah rawngbawlna hrang hrang neiin, 18th March, 2024 a'nt-hawk ni sâwm (10) sâng aw ding rawngbawlna Lucknow, UP-ah nei baw a tih.

04.03.2024 (Thawtanni)

•Shikohabad, UP-a rawngbawlna: I. Outreach thawna hmun thenkhata (Bhadan, Manchana, Harganpur, Ekara, Nawada, majila, Firozabad District City, Lilma) ringtuhai Pathien Thutaka an inṭhanglien peina din II. Naupang lai rawngbawlna bîk (Tuition le Sande Sikul) a din: (a) Thlarau Thienghlimin hma a ṭhwoi peina ding le (b) Naupanghai lungrilah Thlarau thlaichi thea um hai chu Lalpa'n mal a sâwm ngêina din.

05.03.2024 (Thawleni)

•Ramsung (national): Inṭhangpui um ding le inzawmin-I. Sawrkâr ṭha, sakhuo zalenna kengkaw theitu ding a hung pieng ngêi theina din II. Sakhuona thil le inzawma tharum thawna a hlur zuol nawna din III. Ringtuhai po poin ngaituona fim tak put a inṭhang hun ah vote ei thlâk theina ding le IV. Sawrkâr ṭha a hung ngîr suok theina dinga hmangruo ei ni seng theina di'n.

06.03.2024 (Nilaini)

•Bethany Convent School: I. Zirtirtu/thawktuhai ta din II. Inchuklaihai an nu le pa hai kuomah Chanchinṭha hrilna ding kawt an hawng pei theina din
•Shiv Vihar ṭhalai pawlhai music album buotsai dinga an insingna mêk chu ṭha taka an thaw zo theina din
•Ei Bible students Pu Lalngilnei Khawbung le a ruolhaiin an inchûkna hmabâk tluong taka an thaw zawm pei theina din

07.03.2024 (Ningani)

•HCFD Ningani Zan Ṭawngṭai Inkhawm (Online): I. Ṭhwoitu-Pu Vanlalthang Inbuon, Sharing: Pu Gordon Amaw
•Thilpeka rawngbawlna tieng hrat lema hma ei sawn pei theina din
•Mission Fields hai a rawngbawlna tluong taka a fe pei theina ding le ringthar tamlem

pêk belsa a ei um pei theina din (Marka 16:15, I Korinth 9:16-18)

08.03.2024 (Zirtâwpni)

•Ei biekin-hmun thubuoi (court case) le inzawmin Contempt of Court Petition file dinga um le sin hmabâk hai tluong taka bawzui a nipei theina din
•Ei ukîl Pu Om Prakash in warna le remhrietna ṭha tak neia case hi a bawzui pei theina din
•Biekin ei bâwl/nei vat theina din

09.03.2024 (Inrinni)

•HCFD Nuhmei Pâwl 2nd Saturday Inkhawm-Ṭhwoitu: Pi Hmingthangmawi, Sharing: Hun ruok
•Tukum kohran Upa inṭhang nei a, ei thlang tling theina din
•HSA, DHWA, HCFD Deptt. tin le Vengbuk Inkhawm hai a ṭhwoituhai ta din

10.03.2024 (Pathienni)

•Missionary Day-Ṭhwoitu: Pu Johnson Infimate, Ṭantu:Pi Vida Lalarzo, Thuhrltu: Rev. Huolthangsei Thiek, Pastoral Prayer: Pastor Lalthlanglien Sungte
•India ram le khawvel pumpua misawnari hai ta din Pathien vênghimna le sukhṛatna (2 Thesalonika 3: 1 A tâwp taka chun unauhai, Lalpa thu chu nangni lai ropui tak le hrât taka a hung indar pei theina ding le 2 mi indik naw le mi suolhai laka kan him theina dingin mi ṭawngṭaipui ro, a ring naw an la um si a.)
•Bible inlet le semdar le Chanchinṭha puongdar sin hrat lema a fe theina din

11.03.2024 (Thawtanni)

•China rama kristienhai ta din: Kum 2023 sâng khan China rama biekin 10,000 khâr a nih. Kum-40 sâng kristienhai sukdudana ala hlur zuol nasat tak kum nia hril a nih. Biekin hai a'nthawk kross lim lâk tlâkin a um. Kristien naupang maktaduoi têt hai chu an ring-

na vântlâng hrieta inphattirna dingin lekha (form) pakhata an hming inziectirin an um. Chinese Communist Party Sawrkârin ringtu-hai inkhâwm le chêtvel a enthliitlai theina din biekín tam tak hai ah thlâlákna (Face Recognition Camera) inbûk a nih.

12.03.2024 (Thawleni)

•Shikohabad, UP Mission Field: I. Zirtâwpni Tawngtâi Prawkram tan a um chu mi tam takin an hlâwkpuí le malsâwmna an dawng pha ngêina din II. Evan. Pramod Kumar hai sùngkuo le Evan. Paozamuan hai nupain hrisêlna le remhrietna tha le chungtieng a'nthawka warna dawnga tukum sùng rawngbawlna hlâwk taka an neina din.

13.03.2024 (Nilaini)

•Mozambique rama kristienhai ta din-Kum 2017 anthawk tu chen a IS-M (al-Shabab) helpawl hai kut a thi kristien 1800-3000 lai zet an um tah. January ni-4, 2024 a'nthawk khan IS-M (al-Shabab) helpawlhain "kristienhai chu hmu na hmun hmun a that ding" tiin hma an lâk zuol sauh. Kristienhai chu sawisak, that le an in hai raw pêkin an um. Kristienhai sikul, biekín le hmun pawimaw dang dang raw a ni bawk.

14.03.2024 (Ningani)

•HCFD Ningani Zan Tawngtâi Inkhawm (Online): I. Thuoitu: Pu Robert Penatu, Sharing: Pu Lalhmingthang Songate

•Tawngtâi rawngbawlna hi hrat lema a fe peina ding le tawngtâina a thahnemngaina eini lai a pung nâwk zuol theina din (Daniel 6:10)

15.03.2024 (Zirtâwpni)

•Ramsûng: I. Manipur buoina tha taka chingfel a ni vatna din II. India-Myanmar ramri-a awlsam lema infepaw/inzin le indâwrtuo theina dinga ruohmangna siema um (India-Myanmar Free Movement Regime, FMR) suktâwp dinga sawrkârlungpuiin hma a lâk chu a tâwpsanna ding le FMR hi sukbo a ni nawna din III. North East states hai a ralthuom chelekna le helna hi tha taka chingfel a ni theina dinga ruohmangna tha sawrkârpa'n an duong daw theina din

16.03.2024 (Inrinni)

•Shikohabad UP Mission Field: I. I. Mi suol le mi thalo hai a'nthawk Pathienin biekín a mi vêngnim pêk tlatna din II. Firozabad district city-a Pu Dinesh le Renu hai sungkuo ta din. Tawngtâina zârin khawhriin a lo sawisakna hlak a'nthawk Pi Renu hi a hung tha a, Pathien vêngnimna dawnga, thlarau thalo laka a him zingna din III. Kohranhai Pathien hrietna kawnga an inthanglienna ding le a thutak hai hrietthiemna an neina dinga Thlarau Thienghlim thanguina le keihruoina

17.03.2024 (Pathienni)

•Chawibiek Inkhawm (SS Lesson 3-Daniel 3:1-30):Thuoitu: Pastor Lalditsak Inbuon, Tantu: Pi Emelin Lalringzuol, Pastoral Prayer: Pastor Lalditsak Inbuon

•Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhan

thar seng theina din (1 Korinth 6:19-20)

18.03.2024 (Thawtanni)

•Ramsûng: I. Kam zalenna dân ang taka hman/kengkaw a ni pei theina din II. Sakhuo zalenna a tak ngeia kengkaw a ni pei theina din III. India ram hmun dang danga Anti-Conversion Laws le inzawma thubuoi siemkhuma um kristienhai ta din.

19.03.2024 (Thawleni)

•Kristien sukdudana tuorhai ta din: I. Khawvêl pumpui ah kristien maktadui 365 lai zet an ringna leia sukduda, hnawchêp le enhranin an um (Open Doors 2024 World Watch List) II. North Korea-Kum 2023 khan China le an inrîna-a inzinpawna a khuokhir zuol leiin kristien hai ta din sahimna zawnga ram danga inzin daw le thanguina an dawng hlak chu a suk harsa pha hle. Bible nei ringawt khawm dân kal (illegal) a ngai a nih. Kristien tam tak thatin an um naw leh sin (labour camps ah) inthawluitin an um. Isu Krista zuitu an nih ti hriet dawka an um ringawt khawm kristienhai ta ding chun thipui ngêi ding thil (death sentence) anga ngai hiel a nih.

20.03.2024 (Nilaini)

•Ram le hnam ta din: I. Hmarbiel & Vangaitlâng-Mizoram infepawna lampui tha II. Inchûkna tieng nasa lema hma ei sawna ding le competitive exam. a hlawtling ei pung peina din III. Inruithe ngawlvawinaa (drug addiction) intâng mi tam tak inruithe a'nthawk an zalên theina din IV. Inthuruolna tha

21.03.2024 (Ningani)

•HCFD Ningani Zan Tawngtâi Inkhawm (Online): I. Thuoitu-Pi Grace Khawbung, Sharing-Pi Ngaihlupei Hrangchal II. Tawngtâi inkhawm hih nasa lema sukhringa a um pei theina ding le hi tawngtâi rawngbawlna fethlenga mi tamtakin taksa le thlarau ah damna an hung chang peina din.

22.03.2024 (Zirtâwpni)

•Ramsûng: I. India rama kristien based-NGOs hai rawngbawlna/hmalâkna hai hrât le thuong taka a fe zing theina din II. Chanchintha hriina kawt zalentaka hawng pêka an um pei theina din III. Kristien organizations thuoitu le church leaders hai po po India ram siemthatna le sukhmasawna dinga hmangruo pawimaw tak an hung ni pei theina din

23.03.2024 (Inrinni)

•Hmar hnam hin Pathien tina le inzâna, inthuruolna, indikna le ringumna kawng a hma a sawn pei theina din

•Mizoram-in inchûkna, fâk zawngna le vântlâng hrisêlna kawngah hratlema hma a sawn theina ding le a ram sùng a remna/muongna a um zing theina din

24.03.2024 (Pathienni)

•Palm Sunday-I. Thuoitu: Pu Stephen Khawbung, Tantu: Pi Zarzokim Inbuon, Thuhritu: Evan. Vanlaltlan Amaw, Pastoral Prayer: Pastor Lalsiesang Zote II. Taksa le thlarauah hlâwkpuina tamtak neia hmang a ni ngêi theina din.

25.03.2024 (Thawtanni)

•HCFD Vêngbuk Inkhâwm le Deptt. hai ta din: I. Kum 2024-a ei Year Plan hai a thaw ding (activities) ei inchuonhai buoina um loa ei sukpuittling seng theina din II. Thuoituhai ta din Pathien dîtâna mawphurna phursuok thei pei dingin warna, remhrietna le rorêlthiemna (2 Kronikul 1:7-10 & 11-12, lal Solomonin a mipuihai a thuoit theina dingin warna le hrietna Pathien kuomah a hni a, a hnilo sum le pai, hausakna hai Pathienin a pêk belsa têu)

26.03.2024 (Thawleni)

•Rampuo (international): I. Ukraine-Russia indo, Israel-Hamas/Middle East buoina, Armenia-Azerbaijan ram inchû buoina, Indo-Pak ramri buoina, South China Sea a ram inchûna le khawvel hmun dang hai a rambung lê rambung inkâra ram inchûna leia inhrietthiemnawna hai hih tharum hman loa inbiek/indâwrtuo thiemna hmanga (diplomacy hmanga) tha taka chingfel an ni theina din II. Myanmar ramah mipui insawrkârna a ngîr nâwk theina din

27.03.2024 (Nilaini)

•India rama sakhuo zalenna kengkaw a ni theina din: India Dânpuia Article 25-28 hai ah sakhuo zalenna chungchâng ziekin a um. India ram khuo le tui taphawtin ieng sakhuona khawm ei zui le fepui theina dingin zalenna India Dânpuin a mi pêk. India rama hin sakhuona inlet dangna dinga hmalâkna a hlur zuol pei. Sakhuo inlet dangna/khapna dân hih hming dang dang chawiin India ram states 08 lai ah hmang mêk a nih. February ni-10 khan Assam state Cabinet khawmin Assam Healing (Prevention of Evil) Practices Bill, 2024 a lo pawm fel tah.

28.03.2024 (Ningani)

•HCFD Ningani Zan Tawngtâi Inkhawm (Online): Thuoitu: Pi Chonghoikim Inbuon, Sharing: Pi Esther Lalramhuol

•All India HCFs-hai Pathien rama rawngbawlna-a zâu pei theina din

•All India HCFs-a pastor le misawnari hai ta ding bîkin.

29.03.2024 (Zirtâwpni)

•Good Friday-I. Thuoitu:Pu Immanuel Ro-chunghnung Songate, Tantu: Pi Hmingthangmawi, Thuhritu: Pastor Steven L. Infimate, Pastoral Prayer: Pastor Steven L. Infimate II. Taksa le thlarauah hlâwkpuina tamtak neia hmang a ni ngêi theina din.

30.03.2024 (Inrinni)

•MVHI Centre-a Hindi Service: I. Pastor Lalsiesang Zote le Evan. Vanlaltlan Amaw hai ta din II. Rawngbawlna hih thuong taka a fe zawm pei theina din III. Rangpur/Mahipalpur-a Hindi Service tan dinga riruong siema um khawm a hung hlawtling ngêina din.

31.03.2024 (Pathienni)

•Easter Sunday-I. Thuoitu: Pu LH Hrangchal, Tantu: Pi Lalneihnem Varte, Thuhritu: Pastor Lalsiesang Zote, Pastoral Prayer: Pastor Lalsiesang Zote II. Taksa le thlarauah hlâwkpuina tamtak neia hmang a ni ngêi theina din.

Please visit HCFD official website:
<https://hcfid.in/>